

ҚАШҚАДАРЁ УЛКАН ЎЗГАРИШЛАР АРАФАСИДА

Ўзбекистон Республикаси Президенти Шавкат Мирзиёев ҳудудлар ривожини, ижтимоий-иқтисодий ислохотларнинг бориши билан танишиш мақсадида 24 февраль куни Қашқадарё вилоятида бўлди.

Давлатимизнинг ижтимоий сиёсати ҳар бир маҳаллага кириб бориш ва аҳоли талабини манзилли ҳал этишга қаратилган. Қарши туманидаги Янги Батож маҳалласида ҳам инфратузилма изчил ривожлантирилмоқда. 2021 йилда ташкил топган маҳалла бўлгани боис бу ерда мактаб йўқ эди. 500 дан ортиқ ўқувчи 10 километр масофадаги мактабга қатнарди.



Яқинда бу ерда янги мактаб қуриб битказилди. Президентимиз маҳаллага ташрифи чоғида уни кириб кўрди.

Мактаб 660 ўринли. Ўттиздан ортиқ синфхоналар, кутубхона, мажлислар зали, ошхона, STEM лабораторияси, компьютер хонаси ва касбга йўналтириш хоналари мавжуд. Очиқ ва ёпиқ спорт майдончалари, йўл ҳаракати хавфсизлиги йўлақлари ташкил этилган.

Маълумки, мамлакатимизда ёшларни камида чет тили ва битта замонавий ҳунарга ўргатиш мактаб таълимидаги асосий йўналиш сифатида белгиланган. Янги мактабда ҳам бунга шароит яратилган. Махсус жиҳозланган хоналарда ўқувчилар тикувчилик, заргарлик, пазандчилик, сартарошлик, электротехника, компьютер ва мобил телефонларга хизмат кўрсатиш, робототехника бўйича касб сирларини ўрганади.

Давлатимиз раҳбари ўқувчилар билан мулоқотда бўлди.

Шундай шароит яратаямизки, ўқувчилар мактабдан чет тилларини ва ҳунар ўрганиб чиқади. 11-синф ҳаётга йўланма берувчи синф бўлади. Агар ҳар бир ёш шундай ўқи, жамиятда ўз ўрнини топса, Ўзбекистонимизга мустақам замин бўлади, — деди Шавкат Мирзиёев.

Президент шу ерда қашқадарёлик ўқитувчилар билан суҳбатлашди.

«Ҳар бир ислохотда, қарор қабул қилишда ўқитувчилар кўз олдимида бўлади, — деди давлат раҳбари. — Сир эмас, илгари болалар уч ойлаб пахтага чиқариларди. Биргина Қашқадарёда 155 минг ўқувчи ўрни етишмасди. Бунинг учун вилоятга 1 триллион маблағ ажратилди. 215 та мактаб қурилди. Бугун Қашқадарё мактаблари сони бўйича республикада биринчи ўринда. Ўқитувчиларнинг ойлик маошлари ҳам оширилди. Албатта, буларни яна давом эттирамиз. Лекин асосийси — сифат бўлиши керак. Бу, аввало, ўқитувчиларнинг билимига, дунёқарашига, фидойилигига боғлиқ.

Учрашувда педагоглар ўз фаолияти ҳақида сўзлаб, фикр ва таклифларини билдирди.

Давлатимиз раҳбари Янги Батож маҳалласи аҳолисининг ҳаёти билан ақиндан танишди.

Бу ерда 4 мингдан зиёд аҳоли яшайди. Ҳудуд ободонлаштирилиб, тадбиркорлик ривожланмоқда. Тўқимачилик корхонаси, дорихона, минибанк, озиқ-овқат ўқонлари ва хизмат кўрсатиш устанолари аҳоли хизматида.

2 >>>

Сирдарё вилояти Миннатдорлик

Жонкуярлиги шу даражадаки...

Мактабда ишлаётганимга 38 йил тўлди. Бу даврда касоба уюшмасининг кўмаги ва эътиборини ҳамиша ҳис этганмиз. Айниқса, яқинда юз берган чигал вазиятда бу ташкилотнинг чинакам ҳимоячи эканига яна бир бор гувоҳ бўлдим.

Ҳап шундаки, соғлиғим ёмонлашди ва бу меҳнат фаолиятимга таъсир қилди. Текширувлардан сўнг шифокорлар овоз бойламлигимда зўриқиш, суринкали ларингит ташхисини қўйишди. Шунингдек, касбга оид меҳнат қобилиятимнинг 20 фоизи йўқотилгани аниқланди. Бу касб касаллиги ҳисобланиши, зарар ва товон пули олишим мумкинлиги меҳнат қонунчилигимизда белгилангани тушунтирилди.

Ана шунда ҳамкасбларим бу ишнинг охирига етиш қийинлиги, сансалорлик бўлишини айтиб қонуний ҳақларимдан воз кечишга ундашди. Таваккал қилиб, Ўзбекистон касоба уюшмалари Федерацияси Сирдарё вилояти кенгашига мурожаат қилдим. У ерда меҳнатни муҳофаза қилиш бўлими етакчи мутахассиси Бердимурод Абдуллаевга касаллик ташхиси, иш ҳақлари ҳисобини бердим.

У менга иш берувчининг фуқаролик жавобгарлигини мажбурий сугурта қилиш шартномасига мувофиқ сугурта компанияси зарар ва товон пулларини тўлаб беришини тушунтирди. Охириги 12 ойдаги ўртача иш ҳақларимга асосланиб 37 миллион 260 минг 612 сўм миқдорда бир йўла нафақа олишим, бунга қўшимча равишда 621 минг сўм миқдорда ойма-ой товон пули тўланишини айтди. Шундай қилиб, 2041 йилгача бўлган муддатда қарийб 176 миллион сўм ҳақ сугурта томонидан ундириладиган бўлди. Сугурта компаниясига мурожаат қилишимда ҳам ҳамроҳлик қилиб, барча ҳуқуқларим билан таништирди. Жонкуярлиги шу даражадаки, товон пуллари ҳисобимга туширилишини ҳам назорат қилиб суриштириб турди.

Бу жараёнда фаолияти фойдали иш бўлган соҳа эгаларига ҳавас қилдим. Уларга ташаккур ва миннатдорлик билдираман.

Иззатой ЮСУПОВА,
Сайхунобод туманидаги
28-умумтаълим мактаби ўқитувчиси

Фарғона вилояти

Жанубий кореялик профессор аёл Сангва Ли Ўзбекистонга келиб, олийгоҳлардан бирида инглиз тилидан талабаларга дарс беришни бошлаган. Лекин бу орада уни уч соатдан кўп вақт ишда бўлмади, дея бўшатиб юборишади.

Кўмак

Хорижлик ўқитувчининг меҳнат ҳуқуқи тикланди

Қайси асосга кўра дейсизми? Меҳнат кодексининг 100-моддаси 2-қисми 4-банди билан — гўёки меҳнат вазифаларини бир марта кўпол равишда бузгани учун.

Лекин ўзига юклатилган вазифаларни, яъни ўқув машғулотларини амалда тўлиқ ўтаган профессор судга мурожаат қилади. Суд уни ўз ишига тиклаш ҳақида қарор чиқаради. Кўшимчасига, мажбурий бекор юрган даври учун катта миқдорда пул маблағлари ундиришни ҳам белгилайди.

Бўлиб ўтган суд жараёнида мамлакатимизда суд тизими қанчалар адолатли эканининг гувоҳи бўлдим, — дейди Сангва Ли. — Суд ишида яқиндан ёрдам берган Ўзбекистон касоба уюшмалари Федерацияси Фарғона вилояти кенгашининг меҳнат ҳуқуқ инспекторларига ўз миннатдорлигини билдираман. Уларнинг мутахассис сифатида берган хулосаси ҳам судда ҳал қилувчи аҳамият касб этди.

Феруза АБДУЛЛАЖОНОВА,
Ўзбекистон касоба уюшмалари
Федерацияси Фарғона вилояти кенгаши
меҳнат ҳуқуқ инспектори

Наманган вилояти

КАСАБА УЮШМАЛАРИ – ЁШЛАРГА!



Мухлиса Мамарасуллова айни пайтда Наманган давлат университети санъатшунослик факультетининг иккинчи босқичида таҳсил олмоқда. Ота-онасининг вафотидан сўнг амакисининг қарамоғида яшаётган Мухлиса-нинг шароити, ўқишдаги ютуқлари, фаоллиги инобатга олиниб, у жорий йилда касоба уюшмаси стипендиясига муносиб деб топилди.

Биз сингари ёшларга имкониятлар яратиб бераётган, манфаатларимиз ҳимоячиси бўлган касоба уюшмаларидан миннатдорман, — дейди Мухлиса.

Шунингдек, Наманган муҳандислик-қурилиш институтининг

босқич талабаси Камолхон Абдулҳаев бу йил касоба уюшмалари ижтимоий-суғурта маблағлари ҳисобидан Косонсой санаторийсида даволаниш учун имтиёзли йўлангани кўлга киритди. Болалиқдан I-гурӯх ногиронлиги бор ва мунтазам равишда даволанишга муҳтож Камолхоннинг олийгоҳдаги ютуқлари кўпчиликлари намунадир. У республика миқёсида ўтказиладиган паралимпия мусобақаларида фаол иштирок этиб, паравелоспорт, парасузиш ҳамда енгил атлетика турлари бўйича ғолибликни кўлга киритиб келмоқда.

Орзуғул РУСТАМОВА
«ISHONCH»

Тошкент вилояти

ЎЗГАРИШЛАРДАН ХАБАРДОРМИСИЗ?

Транспорт, йўл ва капитал қурилиш, қурилиш индустрияси ходимлари касоба уюшмасининг Тошкент вилояти кенгаши Оҳангарон шаҳрида янги тахрирдаги Меҳнат кодекси тарғиботи доирасида тадбир ташкиллаштирди.

Тасарруфдаги корхона ва ташкилотларнинг касоба уюшма раислари, ишчи-хизматчилар иштирок этган анжуманда қонунчиликдаги ўзгаришлар хусусида тушунтиришлар берилди.

— 2022 йилда 64 та янги корхона ва ташкилотда касоба уюшмаси тузилиб, уларда фаолият юритиб келаётган 5 минг 178 нафар ходим аъзоллик қабул қилинди, — дейди Транспорт, йўл ва капитал қурилиш, қурилиш индустрияси ходимлари касоба уюшмаси Тошкент вилояти кенгаши раиси Жаҳонгир Алиқулов. — Амалдаги жамоа шартномалари ва келишувлари орқали тизимдаги 1 минг 817 нафар ходим ва уларнинг оила аъзоларини ижтимоий-иқтисодий қўллаб-қувватлаш учун 615 миллион 700 минг сўм маблағ сарфланди. Шундан 119 миллион сўми касоба уюшма ҳиссасига тўри келган. Корхона ва ташки-

лотларда зарарли ишлаб чиқариш омилларидан холи бўлган, бехатар меҳнат шароити яратиб берилиши устидан доимий жамоатчилик назорати йўлга қўйилди. Хусусан, 2022 йилда 17 та бошланғич касоба уюшма ташкилоти фаолияти ўрганилиб, меҳнатни муҳофаза қилиш қоида ва талаблари бўйича аниқланган камчиликлар бартараф этилди.

Ийгилиш якунида Транспорт, йўл ва капитал қурилиш, қурилиш индустрияси ходимлари касоба уюшмасининг жорий йилдаги фаолиятининг устувор вазифаларига ҳам ургу берилди.

Ўз мухбиримиз

ҚАШҚАДАРЁ УЛКАН ЎЗГАРИШЛАР АРАФАСИДА

<<< 1

Маҳаллада Касаначилик маркази ташкил этилмоқда. Президент унда яратилаётган шароитларни кўздан кечирди.

Бу ерда тикувчилик, чармдўзлик, гиламчилик маҳсулотлари тайёрланиши билан бирга касаначиларга иш ҳам ўргатилади. Ҳоким ёрдамчиси ҳамда хотин-қизлар фаоли томонидан ишсиз фуқаролар аниқланиб, қизиқиш ва хоҳишларига кўра йўналишлар бўйича усталарга берилади. Буюртмаларни тайёрлашни тўлиқ ўзлаштирган касаначиларга уйда ишлаши учун керакли дастгоҳ ҳамда хомашё берилди. Буюртмачи ва касаначи ўртасида тузилган шартномалар ҳоким ёрдамчиси томонидан «Ягона меҳнат миллий тизими»га киритилади.

Давлатимиз раҳбари бу ердаги хунармандларни хомашё билан таъминлаш, аҳоли зич маҳаллардаги коллежаларнинг маълум хоналарини касаначиларга ажратиш бўйича топшириқлар берди.

— Узи хунар ўрганишининг энг катта замини — маҳалла. Бу анъанамиздан фойдаланиб, касаначилик ҳамда устоз-шоғирдлик асосида ёшларни хунари қилиш мумкин. Бу уларга, айниқса, хотин-қизларга ҳам маънавий, ҳам моддий куч бўлади, — деди Шавкат Мирзиёев.

Марказ Янги Батождан ташқари унга туташ Батож, Хониён, Қарақийё, Дашт, Жумабозор каби маҳалларга ҳам хизмат қилади. У тўлиқ ишга туша, қарийб 24 минг нафар аҳоли бандлигида муҳим омил бўлади.

Шундан сўнг Ўзбекистон Республикаси Президенти, Куролли Кучлар Олий Бош Қўмондон Шавкат Мирзиёев Қарши шаҳридаги Олий ҳарбий авиация билим юрти фаолияти билан танишди.

Маълумки, бу таълим муассасаси 1994 йилда Жиззаҳда ташкил этилган. Лекин у ерда бўлажак учувчилар амалиёт ўташи учун шароит етарли эмасди.

Давлатимиз раҳбари 2018 йилда Қарши туманидаги Хонобод ҳарбий аэродромда бўлганида ҳарбий учувчилар тайёрлашда ушбу аэродром имкониятларидан самарали фойдаланиш бўйича тақлифлар билдирганди. Шу асосида, олий ҳарбий авиация билим юрти 2019 йилда Қарши шаҳрига кўчирилди. Ўқув ва машғулот бинолари замонавий тренажёрлар, ускуналар, ахборот технологиялари билан жиҳозланди.

Бу курсантларга Хонобод аэродромида ҳарбий ҳаво кемаларини бошқариш ва уларга техник хизмат кўрсатиш бўйича машғулотлар олиб бориш, бевосита ўқув полигонларида иштирок этиш имконини бермоқда. Парвозга тайёргарлик маркази ва ахборот-ресурс маркази, 4 та мута-

хассислик йўналишлари борасида ўқув лабораториялари ҳарбий учувчиларнинг профессионаллик даражасини оширишга хизмат қилмоқда.

120 ўринли маданият маркази, 400 ўринли ётоқхона, ошхона, саф майдони ва спорт шаҳарчаси курсантлар ихтиёрида. Айни пайтда бу ерда 276 нафар курсант таълим олмақда.

Президентимиз муассасадаги шароитларни кўздан кечирди. Ёшлар билан сўхбатда ўз мутахассислиги билан бирга қўшимча хорижий тиллар ва замонавий технологияларни пухта ўрганишни аҳамияти таъкидланди.

— Ҳар бир давлатнинг мудофааси унинг қудратини кўрсатади. Мудофаани эса сизга ўхшаган билим, ақли, иродали ҳарбийлар, муҳандис ва учувчилар таъминлайди. Бунга муносиб бўлиш учун доим ўқиб-ўрганиб, ўз устингизда ишлаб, ҳар томонлама баркамол бўлиб етиштиришгиз керак, — деди Шавкат Мирзиёев.

Олий Бош Қўмондон билим юрти ошонасида курсантлар билан бирга тушлик қилди. Спорт ва ўқув машғулотларини кўрди. Ўқув юрти узра хужумчи, қирувчи, транспорт самолётлар, жанговар вертолётлар иштирокида ҳарбий авиация парвозлари намойиш этилди.

Мутахассисларга дунёда кузатилаётган хавф-хатарлардан келиб чиқиб, ҳаво мудофаасини янги поғонага кўтариш, тажриба тариқасида учувчисиз қурилмалар йиғишни йўлга қўйиш бўйича кўрсатмалар берилди. Ушбу билим юрти фаолиятини ҳам шунга мувофиқ такомиллаштириш, хорижий муассасалар билан қўшма таълим дастурларини амалга ошириш зарурлиги таъкидланди.

Президент Шавкат Мирзиёев жойларга чиққанда халқ ичига кириб, аҳоли турмуш даражасини яқиндан ўрганади. Турмуш даражаси эса, аввало, ички бозордаги маҳсулотларда, нарх-навода намоён бўлади.

Янги йил арафасида Қарши шаҳрида кўп қаватли савдо мажмуаси ишга тушган эди. Унда озиқ-овқат, маиший техника, ҳўжаллик моллари дўконлари ва кўнгулчор масканлар жойлашган.

Давлатимиз раҳбари ушбу мажмуага ташриф буюриб, озиқ-овқат ва маиший техника дўконларини кириб кўрди. Маҳсулотларнинг сифати ва нархларига эътибор қаратди. Уларнинг ақсари яти мамлакатимизда ишлаб чиқарилаётганини юқори баҳолади.

Харидорлар билан сўхбатда давлатимиз раҳбари озиқ-овқат маҳсулотларининг нархи ва хизматлар ҳақида уларнинг фикрлари билан қизикди.

Президент Шавкат Мирзиёев Қарши шаҳридаги «Буюк Турон» кичик саноат зонасида ҳам бўлди.

Бу ерда ҳозирча 2 та лойиҳа амалга оширил-



ган бўлиб, 500 дан ортиқ иш ўрни яратилган. Жорий йил охирига қадар яна 2 та лойиҳа ишга туширилади ва умумий иш ўринлари сони 1 минг 500 тага етади.

Ўтган йили фаолият бошлаган «Алп Техно Сервис» масъулияти чекланган жамияти йилга 120 минг дона телевизор ва мониторлар ишлаб чиқариш қувватига эга. Корхона JVC, TCL, Zimmer брендларининг аудитидан ўтиб, шу номлар остида ташқи бозорга чиқмоқда. Ўтган йили 3 миллион доллар маҳсулот экспорт қилинган бўлса, жорий йилда бу кўрсаткичи 6 миллион долларга етказиш режа қилинган.

Бу ерда 70 та иш ўрни яратилган. Яқинда плата териш ҳамда пластик қисмлар ишлаб чиқариш йўлга қўйилди ва яна 30 та янги иш ўрни яратилди.

Давлатимиз раҳбари электротехника маҳсулотлари, уларни ишлаб чиқариш жараёнлари билан танишди. Корхона ишчилари билан сўхбатлашди.

Президент Шавкат Мирзиёев Қашқадарё вилоятини иқтисодий ривожлантириш масалалари бўйича йиғилиш ўтказди.

Тадбир бошида 6 та янги корхонани ишга тушириш маросими бўлди. Қарши туманидаги «Омад старт», Қарши шаҳридаги «Китоб ип йигирув», Деҳқонобод туманидаги «Бахт текстиль», Шаҳрисабз шаҳридаги «Оқсарой текстиль» ва «Пит-стоп» корхоналари ҳамда мебель фабрикаси вакиллари видеоалоқа орқали мажмуалар салоҳияти ҳақида ахборот берди.

Давлатимиз раҳбари рамзий тугмани босиб,

янги корхоналарни расман ишга туширди. Йиғилишда, аввало, вилоятда энергия таъминотини яхшилаш чоралари кўрсатиб ўтилди.

Жорий йилда вилоятда электр истеъмоли 6,9 миллиард киловатт соатни ташкил этиб, 310 миллион киловатт тақчиллик бўлиши кутилмоқда. Шу боис, алоҳида қарор қабул қилиниб, бу тақчилликни олтига қайтариш бўйича ишлар бошланди.

Хусусан, Нишон ва Чироқчи туманларида 3 та қуёш электр станциясини ишга тушириш режалаштирилган. Давлат идоралари, корхона ва хонадонларда 76 Мегаваттлик қуёш панеллари ўрнатиш имконияти бор. Электр тармоқлари янгиланиб, энергия истеъмоли юқори бўлган қурилмалар алмаштирилади. Шунингдек, йилга 2,2 миллиард киловатт сарфлайдиган Қарши магистрал каналининг насос станцияларида 6 частотали бошқариш воситаси ўрнатилди.

Бу орқали шу йилда 50 миллион киловатт, келгуси йилдан бошлаб йилга 175 миллион киловатт электр иқтисод қилинади.

Йиғилишдаги асосий масала саноатни ривожлантириш, тадбиркорлик ва касаначиликни қўллаб-қувватлашга оид бўлди.

Сўнгги беш йилда Қашқадарёга 10 миллиард доллар инвестиция жалб қилинган. Тадбиркорлар сони 2,5 баравар кўпайиб, қўшимча 325 мингта доимий иш ўрни яратилган. Илгари саноати паст бўлган 8 та туманда ишлаб чиқариш 2-3 баравар ошиб, вилоятдаги улуши 36 фоизга етган.

2023 йилда вилоятга 1,5 миллиард доллар инвестиция жалб қилиб, 440 минг аҳолини даро-

мадли иш билан таъминлаш белгиланган. Давлатимиз раҳбари бандлик масаласига алоҳида эътибор қаратиб, бу борадаги имкониятларни кўрсатиб ўтди.

Хусусан, вилоятда 80 та маҳаллада 6 мингдан зиёд аҳоли касаначилик билан шуғулланади. Ўзбекистон Президенти имзолаган қарори кенг имкониятлар яратади. Жумладан, тадбиркорларга ҳар бир жалб қилинган касаначи учун, 2 миллион сўмгача имтиёзли револьвер кредит ва 1 миллион сўмгача фоизсиз ссуда берилди. Касаначиларга ўзини ўзи банд қилиб, солиқ тўламасдан шуғулланишга рухсат этилди. Касаначиликка жалб қилинган эҳтиёжманд фуқарога ижтимоий нафақа 6 ой давомида тўлаб берилди. Асбоб-ускуна ва хомашё сотиб олишга 9 миллион сўмгача субсидия тақдим этилади. Касаначиларни жалб қилган тадбиркор ва кластерлар учун фойда ва айланма солиги, давлат мулки ижараси 2 баравар қамаяди.

Булар орқали Қашқадарёда яна 150 та маҳаллада қўшимча 20 минг аҳолини касаначи қилиш мумкинлиги қайд этилди.

Маҳаллалардаги бандлик ва ижтимоий масалаларни ҳал қилишда кластерлар фаол бўлиши кераклиги таъкидланди.

Деҳқонобод, Яккабўғ, Шаҳрисабз ва Нишон туманларида сув таъминотини яхшилаб, 10 минг аҳолини банд қилиш, Миришкордаги 5 минг гектарли табиий кўлда балиқ етиштиришни кўпайтириш вазифалари айтиб ўтилди.

Саноат зоналарида бўш турган майдонларда 50 та лойиҳани амалга ошириб, 2 мингта иш ўрни яратиш бўйича кўрсатма берилди. Шунингдек, жойлардаги «ўсиш нуқталари»га тадбиркорларни жалб қилиб, қўллаб-қувватлаш зарурлиги таъкидланди.

— Ҳар бир туманда салоҳиятнинг лойиҳага, лойиҳани иш ўринларига айлантириш керак, — деди Шавкат Мирзиёев.

Қайд этилганидек, Шаҳрисабз, Китоб, Қамаш ва Яккабўғ туманлари туризм салоҳиятининг ярми ҳам ишга солинмаган. Бунинг учун «Шаҳрисабз — Қарши — Самарқанд» йўналишига электр поезди қўйиб, йўловчи оқимини ошириш вазифаси қўйилди. Бу туризм, савдо ва сервис ривожига қўшимча туртки бўлади.

Йиғилишда вилоят ва туман ҳокимлари, оқ-соқоллар, зиёлилар, тадбиркорлар ўз тақлифларини билдирди.

Шу билан Президент Шавкат Мирзиёевнинг Қашқадарё вилоятига ташрифи аяқланди.



Зиёдулла ЖОНИБЕКОВ,
Иқром АБВАЛБЕКОВ,
Ўлмас БАРОТОВ,
ЎЗА мухбирлари



Зукко машинасозлар

Металлургия ва машинасозлик саноати тармоқлари ходимлари касабга уюшмаси Андижон вилояти кенгаши тармоқдаги ёш ишчи-ходимлар ўртасида «Заковат» интеллектуал ўйинининг вилоят босқичини ўтказди.


Унда 10 та жамоа иштирок этди. Қизгин ва мароқли баҳслар якунида биринчи ўринга «ЎзАвтоМоторс» АЖнинг «Рас-чёт», иккинчи ўринга Андижон машинасозлик институтининг «Машинасоз», учинчи ўринга эса «Ўз-ДонгВонгКо» АЖнинг «Айсберг» жамоалари лойиқ деб топилди. «Ғалабага бўлган иштиёқи учун» номинациясида эса «Ўз-КорамКо» МЧЖнинг «NO NAME» жамоаси совриндор бўлди. Тадбир якунида касабга уюшмаларида узоқ йиллар самарали меҳнат қилган фахрий, Металлургия ва машинасозлик саноати тармоқлари ходимлари касабга уюшмаси Андижон вилояти кенгаши уюшмаси Андижон вилояти кенгаши мутахассиси



Ғолиблар финалда

Нукус шаҳридаги Республика ўйин турлари ва энгил атлетика бўйича ихтисослаштирилган спорт мактаби ҳамда Нукус олимпия ва паралимпия спорт турлари спорт базалида республика қўл тўпи мусобақасининг Қорақалпоғистон Республикаси босқичи бўлиб ўтди.

Мусобақа спорт мактабларидаги 25 ёш ва ундан катта ёшдаги ўқитувчи ходимлар ўртасида ташкил этилиб, унда 25 та жамоада 250 нафарга яқин спортсевар қатнашди. Қизгин ўтган мусобақада аёллар ўртасида 1-ўринни Республика ўйин турлари ва энгил атлетика бўйича ихтисослаштирилган спорт мактаби, 2- ва 3-ўринлар Нукус ва Тахтақўпир туманлари спорт мактаблари жамоаларига насиб этди. Бугина эмас, қатнашчилар «Энг ёши улуг иштирокчи», «Энг маҳоратли ҳаваскор спортчи», «Ғалабага бўлган интилиши учун», «Энг ёш иштирокчи» номинациялари бўйича ҳам тақдирланди. 1-ўринни эгаллаган жамоалар Тошкент вилояти Чирчиқ шаҳридаги Ўзбекистон жисмо-





Доимо тетик бўлинг!

Метаболизмда ходимларнинг бўш вақтларини мазмунли ташкил этиш учун барча шарт-шароитлар яратилган, — дейди таълим муассасаси бошланғич касабга уюшма қўмитаси раиси Иқбол Ортиқова. — Жамоа шартномаси асосида спорт-соғломлаштириш тадбирларига ҳам алоҳида эътибор қаратилмоқда. Пиёда юриш, эрталабки бадантарбия машғулотларида касабга уюшма аъзолари фаол иштирок этадилар. Бу эса кун давомида тетик юришимизга кўмак бермоқда.

Вoleyбол мусобақаси ғолиблари касабга уюшмаларининг қимматбаҳо совғалари билан тақдирландилар.

Рўслан БОБОЖОНОВ,
Давлат муассасалари ва жамоат хизмати ходимлари касабга уюшмаси Хоразм вилояти кенгаши раиси ўринбосари



Женисбай АЙПОВ,

Маданият, спорт ва туризм ходимлари касабга уюшмаси Республика кенгашининг Қорақалпоғистон бўйича масъул ташкилотчиси



КўнгиЛ КўнгиЛдан СУВ ИЧДИ

Ўзбекистон касабга уюшмалари Федерацияси томонидан «Ўзбекистон бўйлаб сайёҳат қил» шiori остида юртимизнинг қадимий шаҳарларига уюштирилаётган сайёҳатнинг бу галгиси Федерациянинг Тошкент вилояти кенгаши ҳамда вилоят Оила ва хотин-қизлар бошқармаси вакиллари ҳамда туман ва шаҳар ҳокимининг хотин-қизлар масалалари бўйича ўринбосарлари иштирокида ташкил этилди.

Сайёҳат давомида Хоразм вилоятининг диққатга сазовор қадимжолари, зиёратгоҳларига борилди. Хива шаҳридаги Ичан қалъа бўйлаб қилинган зиёрат ўзига хос таасиротларга бой бўлди. Урганч шаҳрида жойлашган «Khogazm palace» меҳмонхонасида Хоразм вилояти ҳокимининг ўринбосарлари, Хоразм вилояти оила ва хотин-қизлар бошқармаси бошлиғи ҳамда Тошкент вилояти делегациялари иштирокида давра сўхбати ташкил этилди. «Аёллар дафта-ри»ни юритиш борасида вилоятларда амалга оширилаётган ишлар юзасидан тажриба алмашилади. Аёллар бандлигини таъминлаш, тадбиркорликка йўналтириш ишлари ўрганилди. Давра сўхбати асосида Хоразм вилояти ҳокимининг эсдалик совғалари топширилди. Сайёҳат давомида Президентимиз ташаббуси билан Урганч шаҳрида қайта бунёд этилган Охунжон бобо жомеъ масжиди, Ниёзмухаммад ота мақбараси зиёрат қилинди. Туркман-ўзбек дўстлик уйи, Улли ҳовли иштирокчиларда катта қизиқиш уйғотди.

Шоира ОХУНЖОНОВА



Қишлоқ хўжалиги вазирлигига!

Қисқартиришми ёки КЕНГАЙТИРИШ?

ШУ КУНЛАРДА ДАВЛАТ ОРГАНЛАРИ ТУЗИЛМАЛАРИНИ МАҚБУЛЛАШТИРИШ ЖАРАЁНИ БОРАЁТГАНИДАН ХАБАРИНГИЗ БЎЛСА КЕРАК. БИР МУДДАТ АВВАЛ АЙНИ МАСАЛАДА ИККИ МУҲИМ ҲУЖЖАТ ҚАБУЛ ҚИЛИНДИ.

вазирлик бошқарувидаги
180 штат бирлиги қисқартиришлар жараёнида қандай қилиб
218 тага айланиб қолди?

Жумладан, Президентнинг 2022 йил 21 декабрдаги «Янги Ўзбекистон маъмурий ислохотларини амалга ошириш чора-тадбирлари тўғрисида»ги, 2023 йил 25 январь кунги «Республика ижро этувчи ҳокимият органлари фаолиятини самарали йўлга қўйишга доир биринчи навбатдаги ташкилий чора-тадбирлар тўғрисида» фармонлари ижроси доирасида вазирлик ва идоралар тизимида жами 17 минг 447 та штат бирлиги қисқартирилаётгани аён бўлди. Ушбу ислохотлар замонавий талабларга жавоб берадиган илҳам давлат бошқаруви тизимини шакллантириш орқали самарадорликни оширишга қаратилганлиги билан аҳамиятли, албатта.

Қишлоқ хўжалиги вазирлиги жами бошқарув ходимларининг умумий чекланган сони 2 минг 312 та этиб белгиланди. Шундан 1 минг 292 та штат бирлиги давлат бюджетни ҳисобидан молиялаштирилса, 1 минг 20 таси бюджетдан ташқари жамғармалар маблағлари эвазига шакллантирилади. Бироқ айни чоғда вазирликда фармонда тилга олинган жиҳат – ижро этувчи ҳокимият органлари тизимида раҳбар ва ижрочи ходимларнинг муносиби нисбатига эришиш масаласи эътибордан четда қолгандек. Вазирликдаги бошқарув ходимлари сони шу кунлардаги қисқартиришлардан сўнг 180 штат бирлигидан 218 штат бирлигига айланиб қолгани юқоридаги икки ҳужжатга асос бўлаётми? Қандай қилиб дейсизми?

Бир муддат аввал – аниқроғи, давлат раҳбарининг «Мева-сабзавотчилик соҳасини давлат томонидан қўллаб-қувватлаш, тармоқда кластер ва кооперация тизимини янада ривожлантириш чора-тадбирлари тўғрисида» қарори ижросини таъминлаш мақсадида 2021 йил 20 декабрь кунги қишлоқ хўжалиги вазирининг тегишли буйруғи қабул қилинади. Мазкур буйруқ билан вазирлик марказий апаратининг тизимини тасдиқлаб, унга қўра бошқарув ходимларининг чекланган сони 180 нафар этиб белгиланади. Шундан келиб чиқилса, айни кунларда бошқарув маъмурий ислохотлар натижаси ўлароқ вазирлик ходимлари сони тахминан 130 нафарни (180-54=126) ташкил этиши керак. Чунки юқорида тилга олинган ҳужжатда ижро этувчи ҳокимият органлари штат бирликлари, шу жумладан, раҳбар лавозимларини 30 фоизгача мақбуллаштириш ва адолатли меҳнатга ҳақ тўлаш тизимини жорий этиш вазифаси назарда тутилган ахир?! Аксинча, вазирнинг 2023 йил 31 январь кунги «Маъмурий ислохотлар доирасида Қишлоқ хўжалиги вазирлиги фаолиятини самарали ташкил этишга доир ташкилий чора-тадбирлар тўғрисида»ги буйруғи билан бошқарув ходимлари чекланган сони камайиш ўрнига 38 нафарга ортиб, 218 штат бирлигига айланиб қолган! Қисқартириш жараёни эса асосан қуйи тузилмаларга татбиқ этилган. Яъни Қувасой шаҳри мисолида туманлар қишлоқ хўжалиги бўлимларининг намунавий тузилмаси тасдиқлаб, бошқарув ходимларининг умумий чекланган сони 6-12 штат бирлиги деб белгиланган. Хусусан, қуйи тузилма вакиларининг 4 нафари, яъни бошлиқ, унинг ўринбосари, бош ҳисобчи ҳамда молиявий ва шартномавий муносабатлар масалалари бўйича бош мутахассис лавозимлари давлат бюджетидан, қолган ходимлар эса (ер тузиш ва мониторинг

шўъбаси) қишлоқ хўжалигини ривожлантириш ва озиқ-овқат таъминоти жамғармаси маблағлари ҳисобидан молиялаштирилиши назарда тутилган. Қизиғи шундаки, туман қишлоқ хўжалиги бўлимлари янги тузилмасида агроном лавозими мавжуд эмас. Энди бир ўйлаб кўрайлик: агрономсиз пахта-ғалла ёки сифатли мева-сабзавот етиштириб бўладими? Айниқса, бугун фермерлар орасида агроном мутахассислигига эга мулкдорлар бармоқ билан санарли, хўжалик раҳбарлари орасида асл деҳқондан кўра бошқа соҳа эгалари кўпайиб кетган бир паллада-я? Сирасини айтганда, вазирликда қуйидан тортиб, юқорида қадар шакллантирилган янги тузилмаларда «бир қўшчига юз бошчи» шу тугуми аққол кўзга ташланиб турибди. Ҳолбуки, аграр соҳани ривожлантиришга вазирликда – кабинетда ўтирган бошқарувчилардан кўра энг қуйи тизимдаги дала кезувчилар амалий ҳаракатлари билан ун чандон кўпроқ ҳисса қўйишлари айни ҳақиқат. Умуман олганда, биргина вазирлик учун 218 нафар бошқарувчи жуда кўп эмасми? **Нурилло НЎЪМОНОВ «ISHONCH»**

Орамиздаги одамлар

Биз аёлларнинг сабот-матонати ҳамда жасорати ҳақида кўплаб фильмлар ва кўрсатувлар томоша қилганмиз, эшиттиришлар тинлаганмиз, китоблар ва мақолалар ўқиганмиз. Уларнинг дарди ва қувончига шерик бўлганмиз. Аммо бундай инсонлар ўзимизнинг орамизда ҳам борлигини кўпинча сезмаймиз, бири шифокор, иккинчиси ҳарбий, бошқаси ўқитувчи эканлигини билмаймиз.

Матонатли аёл

У фарзандлари бахти учун курашиб, тўққиз йил оиласидан узоқда яшади



Мақоламуз қаҳрамони Гулхумор Хидирова эса талаба. Янаям аниқроғи, «Туғилдингми, бу дунёда толибсан» деган гапга амал қилиб келаётган, табиатан оққунгиллиги ва серғайратлиги, ташаббусқорлиги ва фидойилиги билан кўпчиликлари ўрнатқан бўладиган аёл. У ҳаётини давомидида кўп машаққатлар ва муаммоларга дуч келди, лекин метин иродаси билан барчасини дадил енгиб ўтди. Бу ҳақда бизга қуйидагиларни сўзлаб берди:

– Асли самарқандликман. Оддий хизматчилар оиласида туғилганман. Отам газ таъминоти корхонасида ишлар, онам мактабда фаррошлик қиларди. Мен ўқувчилик кезларим аёло баҳоларга ўқирдим. Бундан ташқари, шеърлар ёзиб, она тили ва адабиёт фанидан сабоқ берувчи устозимнинг маслаҳатига кўра, уларни алоҳида дафтарга жамлаб борардим. Хуллас, барча тенгуларим қатори менинг ҳам орзуларим кўп эди. Аммо мактабни муваффақиятли битирсам-да, оилавий шароитимиз оғирлиги тўғрисида таълим олишни давом эттира олмадим. Кўп ўтмай турмушга чиқдим. Афсус, оилавий ҳаётда омадани юришмади. Чунки турмуш ўртоғим кўп ичар, болалар тарбиясига мутлоқ эътибор бермасди. У тўғри йўлга кириши, хонадонимизда тинчлик-ҳотиржамлик барқарор бўлиши учун қанча ҳаракат қилмай, бари зое кетди. Устига-устак, иккинчи фарзандим ногирон бўлиб туғилди. Бора-бора рўзгордаги моддий етишмовчиликлар ҳаммамизни қийнаб қўйди. Охир-оқибат пул топиш ниятида болаларимни ота-онамга қолдириб, чет элга ишлаш учун кетишига мажбур бўлдим.

қуллари эди. Истанбулда қалин қор ёғди. Менинг хаёлимда «Ишқилиб, бугун Ватанимга кета оламими?», деган савол ғужғон ўйнади. Ниҳоят, бир соат кечикиб бўлса-да, самолёт ҳавога кўтарилди. Кўп ўтмай, Ўзбекистон пойтахтига келиб қўндик. Мен бундан қанчалар қувонганимни сўз билан ифодалай олмаман. Ахир, тўққиз йил Ватанимдан ва оиламдан узоқда яшадим. Ўтган вақт оралиғида фарзандларим ва оила аъзоларимни, қариндош-уруғларим ва дўстларимни қанчалар соғиндим, уларнинг дийдорини қўмасам, неча бор зор-зор йиғладим, гоҳ қувонсам, гоҳ ҳазин ўйларга толдим. Шу боис самолётдан ташлаётиб, беихтиёр «Мен келдим, мен яна қадрдон юртимданман!» дедиму ўзимни босолмай хўн-хўн йиғлаб юбордим.

Аэропортдан чиққанам ҳаммонок буйи бўйимга тенг бир қиз югуриб олдимга келди-да, «Ойжон, эсон-омон қайтингизми?» деб мени қучоқлаб олди. Кейин иккинчиси ҳам бағримга отилди... Не бахтки, улар менинг тўққиз йил кўрмага, анча улғайган қизларим эди. Энди мен дилбандларим ёнида эдим... Кейин аста-секин ўзимни ўнглаб олдим. Яхши одамлар шарофати билан Аёллар мономарказида ўқидим, Хотин-қизлар тадбиркорлик марказига ишга кирдим. Доимо ўзимни ўзим руҳлантириб меҳнат қилдим. Жуда кўп яхши натижаларга эришдим.

Бир кун ишхонамдаги ҳамкасбим илкис савол бериб қолди: «Опа, талаба бўлишни хоҳлайсизми?». Менинг эзгу орзуларимдан бири аслида шу эди, дарҳол «Ҳа!» дедим. Бу жавобни эшитган ҳамкасбим, «Унда, келин, иккамиз бирга ҳужжат топшириб кўрамиз», деди. Қарабсизки, шеър ва ҳикоялар ёзишга мойиллигим, боалиқандаги орзуларим мени журналчилик олий ўқув юрти сари қорлади. Ҳужжат топширдим. Имтиҳонлардан яхши ўтдим ва талабага айландим. Алқисса, яна бир орзуми ушладим. Ҳозир «Бешиқдан то қабргача илм изла», деган ҳикматга амал қилиб ўқияман.

Энди-энди билсам, ҳаётнинг ўзи сабоқлардан ва синовлардан иборат энг катта мактаб экан. Мен ўтмишимдан тегишли хулосалар чиқариб олдим. Энг аввало, чет элга кетмоқчи бўлганларни бу ахиддан қайтаришни истайман. Уларга «Ўзга юртларда қийналиб топган пулингизни ўзимизда ҳам топсангиз бўлади. Ҳатто ундан-да кўпроқ топшингиз мумкин. Шундай экан, кетманг, менга ўхшаб сизга ҳам фарзандларингиз болалигини кўриш армон бўлиб қолмасин!» дейман...

Тиниб-тинчимас Гулхумор Хидированинг келгуси орзу-мақсадлари ҳам бисёр. У, аввало, ўз устиди ишлаб, етук кадрлар сафидан ўрин олмақчи. Иккинчидан, турли корхоналар очиб, аёлларнинг иш билан таъминлашга, уларнинг тирикчилик кўйида чет элларга кетишлари олдиди олишга баҳоли қудрат ҳисса қўймоқчи. Биз бу йўлда унга омадлар тилаймиз.

Гавҳар ЭШОНҚУЛОВА, ЎЗКОУ талабаси

Дунёдаги глобаллашув жараёнлари жамиятни модернизациялаш билан бир қаторда, аҳолининг маънавий ва маданий ҳаётини янада юксалтиришни ҳам тақозо этади. Бу жараёнда одамзодга хос азалий иллатларга, чунончи, коррупцияга ҳам бутунлай барҳам бериш керак. Чунки у инсоният ҳаётига ва жамият тараққиётига ғов бўлади. Демак, бу ёвуз балога кенг қўлабда ечим топш ва қатъиян чек қўйиш, давлатнинг коррупцияга қарши сиёсатини амалга оширишда фаол фуқаролик позициясини шакллантириш энг долзарб вазифалардан бири саналади.

«Ҳалоллик қўтисси» жорий этилса...

Муносабат ва таклиф

«Шифокор деган юксак унвонни олиб, тиббиёт фаолиятига киришар эканман: ўзимнинг бор билим ва маҳоратимни беморни даволашга ҳамда инсон соғлиғини сақлашга бағишлашга; ёши, жинси, ирқи, миллати, тили, дини, эътиқоди, ижтимоий келиб чиқиши ва ижтимоий мақеидан қатъий назар, ҳар бир бемора куч-ғайратим ва вақтимни аямой тиббий ёрдам кўрсатишга; беморнинг соғлиғини шахсий манфаатларимдан юқори қўйишга, қантар ва ҳалол бўлишга, ўз билим ва маҳоратимни доимо ошириб боришга; шифокор сирини сақлашга; кишиларга ҳақиқат мейх-муруват ва ишфо топшиларига ишонч ҳада этишга; Букрат, Абу Али ибн Сино сингари улғу табибларнинг шонли аъёнларини давом эттиришга тантанали қасамёд қиламан.

Шу боис мамлакатимизда коррупцияни бартаф этиш, унинг жамият ижтимоий-иқтисодий ва маънавий ҳаётига салбий таъсирлари олдини олиш механизmlарини такомиллаштириш ва бу борда юқори самарадорликка эришишга алоҳида эътибор қаратиш керак. Жумладан, Президентимиз 2020 йил 24 январда Олий Мажлисга Мурожаатида коррупциянинг олди олинмас, бирорта ҳам тармоқ ривожланмаслигини алоҳида таъкидлаганди. Унга қарши курашга энг яхши мутахассислар жалб этилмас, жамиятимизнинг барча аъзолари, таъбир жоиз бўлса, «ҳалоллик ваққинаси» билан эмланмас, олдимизга қўйган юксак марраларга эриша олмаганимизни эслатиб ўтганди. Яқинда эса ғалати бир воқеа рўй берди. Соғлиқни сақлаш вазирлиги Амрилло Иноят Фаргона вилоятида ҳамкасблари ҳамда оммавий ахборот воситалари вакиллари билан учрашувда тиббиёт ходимларининг ойлик маошлари ва коррупция ҳақида сўз юритаётиб, шифокорларга фақулдада маошлар берди. Аниқроғи, «Агар беморни меҳр билан даволасангиз, рози бўлиб, ўзи сизга баракасини бериб кетади. Сурамасангиз ҳам», деган мазмунда гап қилди. Бу фикр ижтимоий тармоқларда кенг муҳокама қилиниб, жиддий эътирозлар ва танқидларга сабаб бўлди.

қонунчиликка ва мамлакатда олиб борилган коррупцияга қарши курашиш сиёсатида зид ҳаракат сифатида қайт этилади. Мазкур таклиф тизимда коррупциявий жиноятлар сонининг оптишига ҳамда шифокор касби мақеидан пасайишига, соғлиқни сақлаш тизимида халқнинг ишончи камайишига сабаб бўлади.

Соғлиқни сақлаш вазирлиги, Коррупцияга қарши курашиш ҳамда Давлат хизматини ривожлантириш агентликлари билан ҳамкорликда эса тиббиёт ходимларига муносаб меҳнат шароити яратиш ва даромадини ошириш, шунингдек, уларнинг ижтимоий ҳимоясини кучайтириш бўйича амалий чоралар кўриш, бунда тиббиёт ходимлари малакасига, кўрсатиладиган тиббий хизмат ҳажми, мураккаблик даражаси ва сифатига қараб меҳнатга ҳақ тўлашнинг тоифаларини замонавий механизmlарини жорий этиш лозимлиги белгиланган.

Жамоатчилик кенгаши шифокорларни рағбатлантиришда беморлардан пул олиш сингари (ихтиёрӣ ёки ихтиёрӣ эмаслигидан қатъий назар) ноқонуний хатти-ҳаракатларни бартаф этиш ҳамда ҳақ тўлашнинг тоифаларини механизmlарини жорий этиш Соғлиқни сақлаш вазирлигининг асосий мақсади бўлиши лозимлигини билдирди.

Мен эса Интернет тармоғи орқали сўровнома ўтказдим. Унда иштирок этган 206 нафар респондентдан 120 нафари (58,3 фоизи) соғлиқни сақлаш соҳасининг мансабдор шахслари ўз вазифаларини виждонсизларча бажаришига гувоҳ бўлишганини эътироф этди. «Ижтимоий фикр» республика жамоатчилик фикрини ўрганиш Маркази томонидан ўтказилган тадқиқотларда ҳам сўров иштирокчиларининг 43,2 фоизи бу тизимда коррупция даражаси юқори эканлигини эслатган.

Тадқиқотлар натижаларидан кўриниб турибдики, бу «касаллик» кўп вақтлардан буён давом этиб келаётган ва қон-қонимизга сингиб кетган иллатдир. Ҳолбуки, «Фуқаролар соғлиғини сақлаш тўғрисидаги» қонунийнинг 44-моддасига кўра, шифокор дипломини олаётган шахслар қуйидаги мазмунда қасамёд қабул қилади:


Ушбу қонунда қасамёдни бузганлик учун жавобгарликка тортилиш ҳам кўрсатиб ўтилган. Бас, шундай экан, ҳар бир шифокор ўз касбига виждонан, ҳалоллик билан ёндашиши, коррупциявий жараёнларга фаол қаршилик кўрсатиши ва муроғисиз муносабатда бўлиши зарур. Ўз навбатида, бу иллатни бартаф этиш учун фуқароларимизни ҳам «ҳалоллик ваққинаси» билан эмлаш, яъни уларнинг онига ҳалоллик ғояларини сингдиришимиз даркор. Коррупцияга қарши курашиш бўйича олиб борилган тадқиқотлардан аён бўлишича, айрим давлатларда мактаблар ва шифохоналарга «ҳалоллик» ёки «хайрия» кўрилати ўрнатилган экан. Биз шу тажрибадан келиб чиқиб, юртимиздаги тиббиёт муассасаларига ҳам худди шунчаку қутилар ўрнатиш ҳамда шифокорларга миннатдорлик сифатида пул бермоқчи бўлган айрим фуқароларга ўша маблағларини шу идишлар ичига ташлашни ўргатиш механизминини яратиш таклифини билдирмоқчимиз. Тўпланган маблағлар эса, кенг жамоатчилик назорати остида шифохоналар фаолиятини ривожлантириш, соҳанинг яхши ишлаган ходимларини рағбатлантириш учун ишлатилса, коррупция ва порахўрликни йўқотишга хизмат қилади, деб ўйлаймиз.

Энг муҳими, ҳар бир фуқаро гўзал ва бектор юртимизнинг бугун ва келажаги учун аввало буюр ўзи масъул эканлигини унутмаслиги керак!

Шўҳрат ТУРДИҚУЛОВ, Тошкент шаҳар ҳокимлиги Коррупцияга қарши ички назорат бўлими бошлиғи



«Ҳалоллик қўтисси»



Самарқанд вилояти

Оғриқ тишлар...

Коронғида топишганмисиз, жаноблар?

Мана сал кам бир ойдики, Иштихон туманидаги ўндан ортиқ маҳаллада электр токи узилмаган кун йўқ ҳисоби. Катта ёшдаги кишилар бу «кўргулик»ка кўникиб ҳам кетишди. Аммо мактаб ўқитувчилари ва ўқувчилар қандай чидашаётган экан? Шифокорлар ва беморлар-чи? Ўн-ўн беш йилдан буён тўшакка михланиб қолган касалмандлар, имконияти чекланган одамлар, яқинда туғуруқхонадан чиққан эмизикли боласи бор аёлларнинг арз-додлари мутасаддиларга, яъни ҳоким ва унинг ўринбосарлари, сектор раҳбари ҳамда электр тармоғи масъулларига чивин чаққанчалик ҳам таъсир қилмаяпти.

Бештут, Диёр каби ўнлаб кишлоқларга келган киши кечаси лойга ботади, кундузи эса телевизор кўролмай, телефон алоқасисиз қолади. Симёғочлардаги электр симларига илиб қўйилган буюмларни кўриб, «Бошимга тушиб кетмасми-кан?» деган ҳадик билан тўғри йўл қолиб, четроқдан йўл ахтаради.

Афсуски, ноқулайлик ва оворагарчилик туман раҳбарларини зиғирча ўйлантираётгани йўқ. Менимча, уларнинг ҳаммаси коронғида туғилиб, зимистонда топишган бўлиши керак. Акс ҳолда, улардан шу вақтгача ёруғлик чиқиши, яъни муаммо ва камчиликларга бепарқ бўлмаслиги керак эди...

Нормурод МУСОМОВ «ISHONCH»

Шу кунларда тумандаги Сулукўрғон, Бўронхўжа, Булоқбоши, Катта-қангли, Бешкапа,

Текин шишлоқ қопқонда бўлар экан

ОАВлар орқали аҳоли, айниқса, ёшлар, турли хил интернет ўйинларидан тинимсиз оғоҳликка чақирилган бўлишига қарамай, бугун кўпчилик тузоққа тushmoqда. Хусусан, ўсимлар орасида «1Xbet» оммалашиб бораётгани ҳеч кимга сир эмас. Фарғоналик Отабек Рустамов ҳам аини шу қиморга ружу қўйганлардан эди. У бизга «1Xbet» туфайли бошига тушган кўргуликларни сўзлаб берди:



Ўзига тўқ, зинди онлада туғилиб, ўсганим. Эркинлик, соддаликни қолдириб ўқиб юрган кезларим дуқисирлик ва тотализатор ўйинларини қизиқиб қолдим. Мўжри, интернет тармоқлардан ўйинлар оқибати эҳтимол билан турғамасинини билардим. Аммо бу мен билан содир бўлмади, деб ўйлаганим. Шунгачи эркинлик сифатида қараганим. Истаган вақтида ундан чиқиб кета олинган кўргил етарди. Лекин...

ЎЗЖОКУ талабаси Мухаммадшукр МУХАММАДЖОНОВ ёзиб олди

Иқроп



ISSN 2010-5002 2007-yil 11-yanvarda O'zbekiston Matbuot va axborot agentligida 116-raqam bilan ro'yxatga olingan.

«Ishonch» va «Ishonch-Doverie» gazetalarini tahrir hay'ati:

- Qudratilla RAFIQOV (tahrir hay'ati raisi), Ulug'bek JALMENOVI, Anvar ABDUMUXTOROV, Sayfullo AHMEDOV, Akmal SAIDOV, Ravshan BEDILOV, Qutlimurot SOBIROV, Suhrob RAFIQOV, Shoqsim SHOISLOMOV, Hamidulla PIRIMQULOV, Nodira G'OIYIBNAZAROVA, Anvar QULMURODOV (Bosh muharrirning birinchi o'rinbosari), Mehridin SHUKUROV (Mas'ul kotib - «Ishonch»), Valentina MARSENIAK (Mas'ul kotib - «Ishonch-Doverie»)

Bosh muharrir Husan ERMATOV

- Bo'limlar: Kasaba uyushmalari hayoti - (71) 256-64-69, Huquq va xalqaro hayot - (71) 256-52-89, Milliy-ma'naviy qadriyatlar va sport - (71) 256-82-79, Xatlar va muxbirlar bilan ishlash - (71) 256-85-43, Marketing va obuna - (71) 256-87-73

Hududlardagi muxbirlar:

- Qoraqalpog'iston Respublikasi - (+998-97) 506-86-98, Andijon viloyati - (+998-99) 889-90-23, Buxoro viloyati - (+998-91) 406-43-24, Jizzax viloyati - (+998-99) 889-90-34, Namangan viloyati - (+998-99) 889-98-02, Navoiy viloyati - (+998-99) 889-90-28, Samarqand viloyati - (+998-99) 889-90-26, Sirdaryo viloyati - (+998-99) 889-98-55, Surxondaryo viloyati - (+998-99) 889-90-32, Farg'ona viloyati - (+998-99) 889-90-24, Xorazm viloyati - (+998-99) 889-98-01, Qashqadaryo viloyati - (+998-99) 889-90-27

«Ishonch»dan olingan ma'lumotlarda manba sifatida gazeta nomi ko'rsatilishi shart. Mualliflar fikri tahririyat nuqtai nazaridan farqlanishi mumkin.

Navbahori muharrir: S. Abdurahmonov

Musahhihlar: D. Xudoyberganova, D.Ravshanova

Sahifalovchi: H. Abdjalilov

Bosishga topshirish vaqti - 00:10 Topshirildi - 00:30

Bahosi kelishilgan narxda

Manzillimiz: 100165, Toshkent shahri, Buxoro ko'chasi, 24-uy.

E-mail: ishonch1991@yandex.uz

Tahririyat hisobraqam: 2021 0000 0004 3052 7001, ATIB «Ipoteka banki» Yashnobod filiali, bank kodi: 00959, STIR: 201133889, OKED: 58130

Gazeta haftaning seshanba, payshanba va shanba kunlari chiqadi. Gazeta «Ishonch»ning kompyuter markazida terildi va sahifalandi.

Gazeta ofset usulida, A-2 formatida bosildi. Hajmi 2 bosma taqob. Buyurtma G-213 Nashr ko'rsatkichi: 133

Umumiy adadi 31576

14752 nusxasi «Sharq» nashriyot-matbaa aksiyodorlik kompaniyasi bosmaxonasida chop etildi. Korxonaning manzili: Toshkent shahri, Buyuk Taron ko'chasi, 41-uy.

РЕВМАТИЗМ — бепарволик оқибати



Совуқ кунларда болажонларда шамоллаш ва томоқ оғриғи кўп кузатилади. Уларни яхши даволамаслик кейинчалик турли касалликларнинг ривожланишига олиб келиши мумкинлигини ҳамма ҳам билавермайди. Болаларда учрайдиган ревматик касалликлар ҳам зах оқибатида ёки оддий шамоллашни тўлиқ бартараф этмаслик натижасида келиб чиқади. Кардио-ревматолог Юлдуз ТАНГИБАЕВА билан мулоқотимиз худди шу мавзуда кечди.

— Юлдуз Шухратовна, болалар орасида тез-тез учраб турадиган ревматизмнинг келиб чиқиши ҳақида сўзлаб берсангиз?

— Ревматологик касалликлар тизимли бўлиб, инсон иммунитетини ушбу хасталик оқибатида пайдо бўлган оксиллар танадаги фойдали оксиллардан фарқлай олмай қолади ва ўзига қарши ўзи кураша бошлайди. Заҳда, совуқда узоқ сувда қолиб кетиш, ёзда жуда совуқ сувда чўмилиш натижасида бўғимларнинг шамоллаши ёки сурункали томоқ оғриғи — тонзиллитни яхши даволамаслик натижасида ҳам ревматологик касалликлар пайдо бўлади. Охириги пайтларда болалар орасида ревматизмга чалинишнинг асосий сабабларидан бири бу томоқ оғриғи, яъни сурункали тонзиллитни тўлиқ даволамасликдир.

Стафилокок каби зарarli бактериялар таъсирида кечадиган сурункали тонзиллитда вируслар ўздан зарarli токсинлар ажрата бошлайди. Ана шу зарarli токсинлар аввал суяк бўғимларида яллиғланиш ҳосил қилади. Бунда баъзи-баъзида боланинг тиззаси, оёқлари оғрийд. Бу ҳолатга ота-оналар унчалик эътибор бермаслиги мумкин. Чунки бола кўп юрганга, тепаликка кўтарилганида оёқ оғриғидан шикоят қилади. Бунга катталар кўпинча оддий ҳол сифатида қарашади. Ваҳоланки, бу тарзда юравериш натижасида жараён ривожланиб, у юрак бўлмаси фаолиятига салбий таъсир қила бошлайди. Кўпинча ота-оналар ана шу ҳолатда — юракда ўзгарши кузатилганидагина шифокорга мурожаат қилишади.

— Ревматизм хасталигини ва унинг асоратларини йўқотиш мумкинми?

— Агар ревматизмнинг бошланғич босқичида шифокорга борилса, албатта, бу касалликни тўлиқ бартараф этиш мумкин. Бунда, аввало, вирус ўчоғи бўлган томоқ соҳаси, оёқ ва юрак аъзолари даволанади. Уларга физиотерапевтик муоалажалар қилинади. Бола вақти-вақти билан ҳар олти ойда муоалажалар олиб туриши натижасида хасталиқдан ҳалос бўлади. Аммо касалликнинг 3-ёки 4-босқичида мурожаат қилинса, унинг асоратларини, яъни бўғим ва юрак оғриқларини йўқотиш анча қийин кеча-

ди. Кўпинча касаллик иммунитетини паст, камқон, кўча-кўйда енгил егуликлар билан таомланишга одатланган болаларда кўп учрайди. Биласизми, ҳамма болалар ҳам қачондир совуқда қолиб кетади. Масалан, ўртоқлари билан қорбўрон ўйнаб совқотиши, автобус бекетида узоқ қолиб кетиши натижасида оёғидан совуқ ўтиши мумкин. Шундай пайтларда боланинг иммунитетини кучли бўлса, организм ноқулай шaroитдан ҳам зарарсиз чиқа олади. Агар иммунитет паст, камқон бўлса, шамоллаб қолиши ёки суяк ва бўғимларга шикаст етиши мумкин. Шу боис ревматизмни даволашда боланинг умумий ҳолати лаборатор текширувлардан ўтказилгач, ташхис қўйилади ва муоалажалар бошланади. Камқонлиқни даволамасдан, иммунитетини кўтармасдан туриб, яхши натижага эришиб бўлмайди.

— Ота-оналар фарзандларининг бўғим ва суяк касалликларида эътибор қаратишлари зарур?

— Аввало, ҳар бир ота-она фарзандига эътиборли бўлиши, унда кузатилган касалликка «оддий шамоллаш» ёки «томоқ оғриғи» демасдан, боланинг буткул соғайиб кетишини таъминлаши шарт.



Саломатлик

Тошкент вилояти Эҳтиёт — шарт!



СЕЛДАН ҚАНДАЙ ҚУТУЛИШ МУМКИН?

Сел — тоғ водийлари, сойлар ва жарликлардан оқиб келадиган, катта вайронагарчилик кучига эга бўлган қисқа муддатли лойқа ва лойқатос аралаш кучли сув оқимида. Шунингдек, сел оқимлари қорларнинг жадал эриши, кучли жала ёғиши натижасида кичик дарё ва сойларда ҳам содир бўлиши мумкин.

Сел хавфи мавжуд ҳудудларда аҳолига қуйидагилар тавсия этилади: — Бу борадаги маълумотларга беэътибор бўлмаслик; — Бу офат ҳаёти, соғлиғи ва моддий бойликлари хавф туғдиришини доим ёдда туттиши; — Сел оқими жуда тез шаклланиши сабабли, турли баландиликлар, тепаликлар ёки дарахтларга чиқиб сақланиш чораларини кўриши; — Адирликлар, тоғ ёнбағирларини ўзбошимчалик билан ўзлаштирмаслик, у ерларда ағротехник тадбирлар қоидаларини бузмаслик; — Сел йўллари ва кўчи хавфи мавжуд ҳудудларда уй-жой ва бошқа объектлар қурилишига йўл қўймаслик; — Ирригация тизимлари объектлари, сел омборлари ва бошқа сув тизими объектларидан қонунга хилоф равишда сув олиш ёки бошқа мақсадларда дамбаларга зарар етказмаслик; — Сел хавфи эълон қилинганда имкон борича мажбур ҳудудларда ҳаракатланмаслик мақсадга мувофиқдир.

Тошкент сувлари, сел оқимлари ва кўчи ҳодисалари билан боғлиқ хавфлар юзага келганда республика миқёсида барча ҳудудларда фаолият юритаётган тезкор штабларга 101, 1050 телефон рақамлари орқали мурожаат қилиш мумкин.

Рустам АБДУЛЛАЕВ, Чиноз тумани Фавқулодда вазиятлар бўлими ҳудуми, лейтенант

Ўзбекистон касабa уюшмалари Федерацияси Самарқанд вилояти кенгаши жамоаси кенгаши муҳандиси Замат Турсуновга отаси Шамсихон ТУРСУНОВ вафот этгани муносабати билан ҳамдардлик билдиради.